



**Qeveria e Republikës së Maqedonisë së Veriut**  
- KRYEMINISTRI -

I nderuar zëvendëskryetar i parë i Qeverisë, Grubi

Në zgjedhjet parlamentare që janë mbajtur më 15 korrik të vitit 2020, qytetarët e Republikës së Maqedonisë së Veriut zgjedhën që të vazhdojmë ta dërgojmë shtetin përpara. Vota e qytetarëve për koalicionin që ka formuar Qeverinë e re me mandat prej vitit 2020 deri në vitin 2024 është investimi i tyre vetanak në kërkim të jetës më të mirë për vete, për familjet dhe bashkësinë e tyre. Vota e secilit qytetar është votë për mbrojtje nga KOVID-19 dhe për menaxhim të suksesshëm me krizën ekonomike-shëndetësore, votë për ekonominë e re vendore, për vende të reja të punës të paguara mirë, për shtet të së drejtës, për mjedis jetësor të pastër dhe të shëndetshëm, për infrastrukturë funksionale, për lidhje efektive brenda vendit dhe me botën, për kulturë të fuqishme nacionale sipas modelit evropian dhe arsim që i përgatit gjeneratat e reja për të tashmen dhe një të ardhme më të mirë.

Në kuptimin burimor të fjalës “ministër” gjendet shërbimi, kujdesi dhe ndihma për qytetarët. Ju, si ministër, duhet ta kuptoni votën e qytetarit si drejtim i precizuar që vjen nga niveli më i lartë nga i cili nuk ka asnjë devijim. Duhet t’u shërbeni të gjithë qytetarëve, pa dallim të përkatësisë së tyre etnike, partiake, orientimit të tyre seksual, identitetit gjinor, racor, ngjyrës së lëkurës, prejardhjes, përkatësisë në grupe të marginalizuara, gjuhës, statusit social, shkollimit, religjionit, bindjet politike, bindjet tjera, aftësive të kufizuara, moshës, statusit familjar apo martesor, statusit pronësor, gjendjes shëndetësore, statusit personal dhe statusit shoqëror. Pres që për kryerjen e detyrave tuaja dhe në realizimin e Programit për punë të Qeverisë për vitet 2020-2024, do të angazhoheni pa hezitim dhe me profesionalizëm. Kemi detyrim të shenjtë dhe thelbësor që agjendën për të cilën obligohemi para qytetarëve ta realizojmë duke investuar përpjekjet tona maksimale, përmes realizimit efektiv për arritje të rezultateve më të mira të mundshme. Kjo mënyrë nuk njeh kompromise, justifikime dhe përfshin ekspozim të vazhdueshëm para opinionit publik ku do t’i vëmë në dispozicion të gjithë mekanizmat për të ndjekur punën tonë.

Ju jeni pjesë e Qeverisë e cila hapur e prezanton punën e saj dhe është e hapur për secilin qytetar të Republikës së Maqedonisë së Veriut. Unë, si Kryetar i Qeverisë do ta avancoj strukturën e kabinetit tim me qëllim që të jem Kryeministër më i hapur dhe të siguroj komunikim të dyanshëm me të gjithë qytetarët dhe bashkësitë të cilëve ju duhet ndihmë nga unë dhe shërbimet e mia, por edhe të kem mundësi që t’i pranoj dhe t’i kuptoj të gjitha idetë dhe iniciativat që vijnë nga opinioni publik.

Ju obligoj edhe juve për komunikim të rregullt dhe të hapur me të gjithë qytetarët dhe palët e interesit në shoqëri duke avancuar kanalet për përgjegjshmëri, gjithëpërfshirje dhe pjesëmarrje.

Puna e juaj çdo ditë do të ndiqet dhe matet. Nëse jeni të përkushtuar, të ndershëm dhe të përgjegjshëm do të keni rezultate të shkëlqyeshme dhe do të vazhdoni të punoni edhe më mirë për më shumë rezultate. Në të kundërtën, do të zëvendësoheni me kuadër tjetër i cili është i gatshëm të jep angazhim më të mirë dhe më të sinqertë se sa Ju. Vetëm kështu është e drejtë dhe e ndershme para

Letër mandati për zëvendësin e parë të Kryetarit të Qeverisë, përgjegjës për koordinim të çështjeve dhe resorëve politik dhe ministër për Sistem Politik dhe Marrëdhënie ndërmjet Bashkësive  
3 shtator 2020



**Qeveria e Republikës së Maqedonisë së Veriut**  
- KRYEMINISTRI -

fjalës që ua kemi dhënë qytetarëve. Për atë, konkluzionet e para nga puna juaj do t'i sjell pas përfundimit të 100 ditëve të para të mandatit, gjegjësisht në përfundim të vitit 2020, pas të cilit janë të mundshme ndryshime kadrovike. Analizën metodologjike të realizimit të detyrave dhe punës suaj të përgjithshme do ta bëjmë çdo fundvit.

Duke ju nominuar juve për ministër në Kuvendin e Republikës së Maqedonisë së Veriut, isha i bindur se mund të llogaris në përgjegjësinë dhe përkushtimin tuaj të plotë në kryerjen e detyrave. Pikërisht për këtë, pres rezultate të menjëhershme. Qytetarët kanë pritje, ndërsa Ju jeni në pozicion që të bëni gjithçka që është e nevojshme që Qeveria të realizojë pritjet e qytetarëve.

Si zëvendëskryetar i parë i Qeverisë, përgjegjës për koordinim të çështjeve dhe resorëve politik dhe ministër për sistem politik dhe marrëdhënie ndërmjet bashkësive, pres nga ju që të kontribuoni në zbatimin e Marrëveshjes Kornizë të Ohrit, si dhe në forcimin e mëtejshëm të konceptit *shoqëri e barabartë për të gjithë*. Do të kërkoj nga ju që në mënyrë aktive të kontribuoni në krijimin e politikave që i zhvillojnë vlerat e shoqërisë dhe besimit ndëretnik, tolerancës, drejtësisë, mundësive të barabarta, njohjes së dallimeve të multikulturalizmit dhe komunikimit ndërkulturor. Gjithashtu pres nga ju që së bashku me mua dhe me kolegët e Qeverisë të mundësojmë realizimin e politikave horizontale të qeverisë, veçanërisht në procesin e pranimit në Bashkimin Evropian.

Më konkretisht, pres nga Ju:

- Plotësisht të funksionojë Ministria për Sistem Politik dhe Marrëdhënie ndërmjet Bashkësive, të formoni ekip për t'iu përgjigjur nevojave që dalin nga kompetencat e vendosura ligjërisht;
- Në bashkëpunim me ministrin për shoqëri informatike dhe administratë, në gjashtë muajt e parë të qeverisjes, të siguroni që të gjithë punonjësit të sistemohen në punë në përputhje me Marrëveshjen kornizë të Ohrit në institucionet shtetërore;
- Të vazhdojmë me implementimin e Ligjit për përdorimin e gjuhëve.
- Në gjashtë muajt e parë të mandatit, të kompletioni Agjencinë për përdorimin e gjuhës që e flasin më së paku 20% e popullatës në Republikën e Maqedonisë së Veriut dhe Inspektoratin për Përdorimin e Gjuhëve;
- Të bashkëpunoni me ministrin e vetëqeverisjes lokale, ministren e arsimit dhe shkencës dhe ministren e kulturës për rritje të cilësisë në arsim dhe kulturë, si fusha që sjellin afërsi mes qytetarëve.

Letër mandati për zëvendësin e parë të Kryetarit të Qeverisë, përgjegjës për koordinim të çështjeve dhe resorëve politik dhe ministër për Sistem Politik dhe Marrëdhënie ndërmjet Bashkësive

3 shtator 2020



**Qeveria e Republikës së Maqedonisë së Veriut**  
- KRYEMINISTRI -

- Të bashkëpunoni me sektorin e biznesit për mbështetje të raporteve të mira mes bashkësive etnike dhe vlerave të tolerancës, përfaqësimit dhe besimit e ndërsjellë në mjediset e tyre të punës, në mënyrë që të shfrytëzojnë potencialin e plotë njerëzor të vendit tonë;
- T'i propozoni Qeverisë një koncept për krijimin e Këshillave kombëtare të bashkësive që janë më pak se 20% e popullsisë së përgjithshme të vendit, duke përfshirë të gjitha bashkësitë në procesin e krijimit të këtyre politikave;
- Të bashkëpunoni me ministren e kulturës për përkrahje dhe zhvillim të produksionit të filmit për fëmijë dhe të rinj në më shumë gjuhë, krijimtarinë kulturore të bashkësive më të vogla dhe projekteve që sigurojnë ndërveprim dhe kohezion më të madh.
- Të mbështesni kundërshtimin ndaj indoktrinimit fetar, intolerancës fetare dhe etnike të prodhuar në pjesë të hapësirës mediatike dhe rrjeteve sociale;
- Të realizoni aktivitete të tjera në përputhje me zotimet dhe Programin e Qeverisë së Republikës së Maqedonisë së Veriut 2020 - 2024.

Njëkohësisht si zëvendëskryetar i parë i Qeverisë, përgjegjës për koordinim të çështjeve dhe resorëve politik dhe ministër për sistem politik dhe marrëdhënie ndërmjet bashkësive, nga Ju pres:

- Të jeni gardiani i parë i Kushtetutës dhe ligjeve dhe të siguroni që Ministria për Sistem Politik dhe Marrëdhënie ndërmjet Bashkësive të përmbush të gjitha detyrimet ligjore, që të gjithë bartësit e funksioneve publike dhe zyrtarët që punojnë nën juridiksionin tuaj të jenë njësoj të përgjegjshëm ndaj ligjit dhe Kushtetutës dhe se Kushtetuta dhe ligjet do të zbatohen njëjtë për të gjithë;
- Të jeni shembull i qeverisjes së mirë dhe të siguroni që zyrtarët publik dhe zyrtarët që punojnë nën juridiksionin tuaj t'u përmbahen standardeve më të larta të qeverisjes së përgjegjshme dhe etike;
- Të siguroni që Ministria për Sistem Politik dhe Marrëdhënie ndërmjet Bashkësive të përgjigjet në kohë, në mënyrë të drejtë, efikase dhe efektive të zgjidh çështjet dhe procedurat e qytetarëve dhe personave juridik, duke justifikuar dhe fituar besimin e qytetarëve dhe të opinionit publik;
- Të vazhdoni zbatimin dhe përmirësimin e politikave të transparencës dhe llogaridhënies;
- Të jeni i hapur dhe gjithëpërfshirës ndaj qytetarëve, publikut profesional, shoqërisë civile dhe opozitës në krijimin dhe zbatimin e politikave publike në mënyrë që të siguroni politika cilësore të bazuara në prova dhe konsensus të shoqërisë;
- Të siguroni që burimet shtetërore të mos përdoren për qëllime partiake dhe zgjedhore dhe që zyrtarët administrativ dhe punonjësit e sektorit publik të mos jenë subjekt i ndikimit partiak;

Letër mandati për zëvendësin e parë të Kryetarit të Qeverisë, përgjegjës për koordinim të çështjeve dhe resorëve politik dhe ministër për Sistem Politik dhe Marrëdhënie ndërmjet Bashkësive  
3 shtator 2020



**Qeveria e Republikës së Maqedonisë së Veriut**  
**- KRYEMINISTRI -**

- Të promovoni barazinë gjinore dhe përfaqësimin e drejtë dhe të keni parasysh karakterin multietnik të vendit.

Bashkëpunoni me të gjithë punonjësit dhe përdorni të gjitha potencialet e administratës publike. Në të gjitha veprimet tuaja, të jeni shembull për ata me të cilët punoni dhe për qytetarët për të cilët punoni. Respektoni Kodin etik për anëtarët e Qeverisë dhe mbajtësit e funksioneve publike të emëruar nga Qeveria dhe promovoni vlerat etike. Në fund të mandatit tonë në vitin 2024, si rezultat i ndryshimeve pozitive që ne do të bëjmë, Maqedonia e Veriut të jetë vend ku qytetarët duan të jetojnë dhe të kontribuojnë në përmirësimin e saj të vazhdueshëm. Qytetarët e presin këtë nga ne.

Ju uroj fat, shëndet dhe mandat të suksesshëm.

Sinqerisht i juaji,  
Zoran ZAEV

Zëvendëskryeministri i parë i Qeverisë së Republikës së Maqedonisë së Veriut,  
përgjegjës për koordinim të çështjeve dhe resorëve politik dhe ministër për sistem politik dhe marrëdhënie ndërmjet bashkësive  
Artan GRUBI